

АМАЛ ҚИЛИШ ДОИРАСИ

3. Ушбу стандарт илмий-текшириш ва тажриба-конструкторлик ишлаб чиқишлари харажатларини ҳисобга олиш чоғида қўлланилади.

4. Ушбу стандарт қазиб олиш тармоқларида нефть, газ, минерал конларни қидириш ва уларни ишлаб чиқиш харажатларига нисбатан қўлланилмайди. Бироқ у мазкур тармоқлардаги бошқа текширишлар ва ишланмаларга нисбатан қўлланилади.

5. Хўжалик юритувчи субъект контрактга мувофиқ бошқа хўжалик юритувчи субъект учун текширишлар ўтказиши ва ишланмалар билан шуғулланиши мумкин. Контракт шартларига кўра текширишлар ва ишланмалар билан боғлиқ бўлган барча харажатлар ва фойдалар бошқа субъектга ўтказилса ёки ўтказиладиган бўлса, бу фаолиятни амалга оширадиган хўжалик юритувчи субъект «Товар-моддий захиралар» БХМС ёки «Капитал қурилишга пудрат шартномалари» БХМСга мувофиқ харажатларни ҳисобга олиб боради. Бу фаолият билан боғлиқ хатарларни зиммасига оладиган ва келадиган даромадларни оладиган хўжалик юритувчи субъект ушбу харажатларни ушбу стандартга мувофиқ ҳисобга олади.

6. Агар хўжалик юритувчи бошқа субъект билан тузилган контракт шартлари бўйича илмий текшириш ва тажриба-конструкторлик ишлари билан боғлиқ харажатлар ва даромадлар бошқа хўжалик юритувчи субъектга ўтказилмаса ёки кейинчалик ҳам

Ўтказилмаса, у ҳолда илмий текшириш ва тажриба-конструкторлик ишланмалари билан шуғулланувчи хўжалик юритувчи субъект ўз харажатларини ушбу стандартга мувофиқ ҳисобга олиб боради.